

## Kalendari i burrave NGRITJA E KAMPIONËVE shtator 2023

1. Ji i besueshëm - “Shumë njerëz shpallin mirësinë e tyre; por kush mund të gjejë një njeri besnik?” (Fjalët e Urta 20:6) Zgjedhjet dhe zakonet tona përcaktojnë karakterin tonë. Ndërsa e lejoni Zotin të sundojë çdo fushë të jetës tuaj, bashkëshortja dhe fëmijët do të jenë të sigurt dhe do t’i besojnë drejtimit tuaj. “Dikush mund të lërë një çelës shtëpie tek një komshi i besuar.”

2. Merre veten shpejt – “Në rast se ti fugon me këmbësorët dhe ata të lodhin, si mund të hysh në garë me kuajt? Në rast se e ndjen veten të sigurt vetëm në një vend paqësor, çfarë do të bësh kur Jordani do të fryhet?” (Jeremia 12:5) Pyete Perëndinë për kurajo dhe mos hiq dorë aq lehtë kur gjërat bëhen të vështira. Lufto kundër gjasave dhe bëhu një burrë trim dhe me besim.

3. Ji falës – “Por në qoftë se ju nuk ua falni njerëzve gabimet e tyre, as Ati juaj nuk do t’ua falë juve gabimet tuaja” (Mateu 6:14,15). Lavdëro Perëndinë sepse Krishti na shpëtoi nga mëkatet tona duke vdekur për ne në mënyrën më mizore të mundshme, në kryq. Lejoje Atin të të falë dhe të të mirëpresë përsëri në shtëpi dhe fali ata që janë fajtorë ndaj teje.

4. Ji i moralshëm – “Largohuni nga kurvëria! Çdo mëkat që kryen njeriu është jashtë trupit, po ai që kurvëron mëkaton kundër trupit të vet” (1 Korintasve 6:18, 20). Ji i kujdesshëm në një kulturë që nxit lakminë. Kujto se trupi yt është tempulli i Frymës së Shenjtë. Ti nuk i përket vetes, por Krishtit. “Përlëvdoni Perëndinë në trupin tuaj.”

5. Të jetosh në praninë e tij – I dashur Zot Jezus, dikur mendoja se kisha nevojë për ty vetëm kur gjërat përkeqësoheshin, por tani e di se kam nevojë për Ty në çdo moment. Për më tepër, tani që Ti banon në

mua, unë e di se të kam Ty. Falemnderit që je me mua në një lidhje të pandashme. Prania jote qëndron përgjithmonë në mua (Romakëve 8:9).

6. Hiri – “Më bëj të ndjej mirësinë tënde në mëngjes” (Psalmi 143:8). Besnikëria dhe hiri i Zotit janë të reja çdo ditë. Ai nuk ndalon kurrë së na i dhëni edhe nëse dita është e gjatë. Ti mund të mbështetesh tek ai çdo ditë.

7. Drejtimi – “Më trego rrugën nëpër të cilën duhet të eci, sepse unë e lartoj shpirtin tim drejt teje” (Psalmi 143:8b). Ndërsa flet me Zotin, Ai do të të lërë të kuptosh se cili duhet të jetë hapi tjetër. Në emrin e Jezusit, ti do të mund të bësh gjërat e mira të cilat ai ka përgatitur për ty. (Efesianëve 2:10)

8. Bartës i imazhit – “Kështu Perëndia krijoi njeriun simbas shëmbëlltyrës së vet, simbas shëmbëlltyrës së Perëndisë; Ai krijoi mashkullin e femrën” (Zanafilla 1:27). Edhe burrat edhe gratë, bartin imazhin e Perëndisë. Është e rëndësishme të kujtojmë që ndërsa nderojmë dhe i shërbejmë njëri – tjetrit, ne bëjmë këtë gjë për lavdinë e Perëndisë.

9. Rol i veçantë – “Zoti Perëndi e mori pra njeriun dhe e futi në kopshtin e Edenit, me qëllim që ta punonte dhe ta ruante” (Zanafilla 2:15). Fjala e Perëndisë na cakton një rol të ndryshëm ne burrave. Është një bekim nëse ne e njohim rolin dhe nëpërmjet tij nderojmë dhe i shërbejmë Perëndisë tonë.

10. Qarkulloje – “Dhe unë do të bekoj ...te ti do të jenë të bekuara tërë familjet e tokës” (Zanafilla 12:3). Një shembull i gjallë në Izrael është ndryshimi mes Detit të Galileesë dhe Detit të Vdekur. Të dy furnizohen me ujë nga i njëjti lumë. Deti i Galileesë e qarkullon ujin dhe është i gjallë. Kurse Deti i Vdekur jo. Me cilin e krahasoj jetën time?

11. E vërteta – “Jezusi i tha: “Unë jam udha, e vërteta dhe jeta; askush nuk vjen tek Ati përveçse nëpërmjet meje” (Gjoni 14:6). Fjalori e përshkruan të vërtetën si të qenit në përputhje me faktet dhe realitetin. E vërteta ka akoma më shumë se kaq. Më shumë se ç’mund të arrijmë ne të kuptojmë. Lejoje Jezus Krishtin të të hapi mendjen dhe zemrën ndaj realitetit të tij të përjetshëm.

12. Krijuesi – “Që e ndryshuan të vërtetën e Perëndisë në gënjeshtëri dhe adhuruan dhe i shërbyen krijesës në vend të Krijuesit” (Romakëve 1:25). Adami dhe Eva e besuan gënjeshtërinë se ata mund të ishin të barabartë me Krijuesin dhe nuk iu bindën Perëndisë. Lutu që të jesh një burrë i cili e nderon Krijuesin duke e njohur dhe duke iu bindur Fjalës së Tij, të vërtetës së Zotit.

13. Pasionet – Pasioni është një emocion i fortë dhe rrallë i kontrollueshëm. Miliona faqe interneti i joshin burrat që t’i dorëzohen dëshirave të palejuara seksuale. Kur Perëndia i dorëzon burrat në pasionin e tyre, është sepse ata nuk e kanë dëgjuar paralajmërimin e tij për t’u larguar nga imoraliteti seksual. (Romakëve 1: 26,27) Ji i kujdesshëm dhe vendos që të jesh një luftëtar i pastër.

14. Imoraliteti – “Largohuni nga kurvëria! Çdo mëkat që kryen njeriu është jashtë trupit, po ai që kurvëron mëkaton kundër trupit të vet” (1 Korintasve 6:18). Ji i sigurt me veten. Lufto që të jesh i pastër. Por mos e kthe seksualitetin në tabu. Në vend të kësaj, ndihmo fëmijët e tu dhe burra të tjerë që të përballen me të në mënyrën e duhur.

15. Mençuria – “Frika e Zotit është fillimi i njohjes; por njerëzit e pamend përçmojnë diturinë dhe arsimin” (Fjalët e Urta 1:7). Perëndi, si mund të fillojnë burrat të kenë frikë prej teje nëse nuk dërgon një ringjallje të madhe shpirtërore? Të lutem, hapi sytë e të verbërve të shohin punët e tua të mëdha në

krijimin dhe më përdor mua si një dëshmitar të dashurisë dhe hirit Tënd çlirues.

16. I falur – O Perëndi, ndonjëherë ndihem shumë i padenjë për faljen Tënde. Por tani, e kuptoj se për këtë ishte kryqi. Kur Krishti vdiq për mua, Ti më dhe mëshirën dhe hirin Tënd. Falemnderit që i ke falur të gjitha mëkatet e mia. Jam shumë mirënjohës për favorin e pamerituar. Prandaj, unë tani mund të fal veten. (Efesianëve 1:11, 12)

17. Një trashëgimi hyjnore – I dashur Perëndi, të jam shumë mirnjohës që Ti më ke siguruar një trashëgimi hyjnore. Jam i nderuar të jem një bashkëtrashëgimtar me Krishtin. Tani e di se kur e vendosa besimin tim në Krishtin, Ti hyre në jetën time dhe u bashkove me mua. Trashëgimia ime je Ti, Zoti Jezus. Unë kam gjithçka që më nevojitet në Ty. (Efesianëve 1: 11, 12)

18. Premtimi – At Qiellor, falemnderit që më ke dërguar Frymën e Shenjtë që ke premtuar kur unë besova në Krishtin. Tani që Shpirti i jetës në Krishtin ndodhet në mua, kam sigurinë për shpengimin e fundit dhe jam i sigurt në Ty. Tani lavdia Jote mund të shfaqet në mua. Të lavdëroj që më ke bekuar me jetën Tënde! (Efesianëve 1:13, 14)

19. Zbulesa – I dashur Perëndi, unë të lutem që të më japësh Frymën e urtësisë dhe zbulesës në njohurinë e Krishtit. Të besoj Ty, Frymë e Shenjtë, që të më zbulosh Krishtin. Bëj që unë të njoh identitetin dhe trashëgiminë time shpirtërore në Krishtin. Ma bëj Krishtin të njohur në mënyrë që unë të mund të ndiej prezencën e tij në çdo pjesë të jetës sime. (Efesianëve 1:17)

20. Ndrërimi – Frymë e Shenjtë, më hap sytë që unë të mund të shoh gjëra të mrekullueshme nga Fjala Jote. Ndrëjo kuptimin tim për fuqinë Tënde të madhe. Më zbulo këtë fuqi të mrekullueshme, e cila tani është edhe e imja në Krishtin. Më fuqizo që unë të mund të realizoj qëllimin e Mbretërisë Tënde. Bëj

që të tjerët të shohin Jezusin në mua! (Efesianëve 1:18,19)

21. Lutja – I dashur Perëndi, unë kam provuar që t'i rregulloj vetë problemet e mia dhe ta bëj jetën time më të mirë, por kjo asnjëherë nuk funksionon. Unë e di se Ti je shpresa ime e vetme, Perëndi. Të jam mirënjohës për dhuratën e mrekullueshme të hirit Tënd shpëtues. Falemnderit që dhe jetën Tënde për mua në mënyrë që të ma jepje jetën dhe të jetoje jetën Tënde përmes meje. (Galatasve 2:20)

22. Fjala – Dishepulli i Jezusit duhet të ketë në mendje dhe në zemër mësimet e Biblës në mënyrë që të fitojë betejat e tij të përditshme. Armiku do të luftojë kundër kësaj. (Mateu 13:19) Lutu për durim dhe këmbëngulje në betejën e të mësuarit vargje nga Bibla përmendësh dhe Perëndia do të të japi fitoren!

23. Përmbajtja – Televizioni, filmat, interneti dhe programe të tjera, kur nuk janë të zgjedhura mirë, mund të ndosin zemrën e dikujt dhe si rrjedhojë të ndikojnë mënyrën se si ky person flet apo vepron. Lutu që të jesh një burrë i Fjalës. Kështu do të mund të kesh pajisjet e duhura për t'i rezistuar ndikimit negativ të kulturës apo rrethanave. (Mateu 7:24)

24. Partnerët – Çfarë bekimi është kur burri dhe gruaja planifikojnë dhe arrijnë shumë gjëra së bashku, ndërkohë që kënaqen me shoqërinë e njëri – tjetrit. Ky është plani i Zotit! Prandaj, bëni kohë në martesën tuaj për të ndarë dhe për t'u lutur. Zoti dëshiron që të bekojë martesën tuaj dhe të të bëjë ty një bekim për familjen dhe miqtë. (Mateu 18:19, 20)

25. Mbrojtje – Si baballarë, ju patjetër që doni që fëmijët tuaj të jenë mirë dhe të sigurt nga diçka që mund t'i lëndojë. E vërteta është se ne nuk mund të jemi pranë tyre në çdo moment vetëm sepse duam që t'i mbrojmë nga rrethanat e këqija. Lutu që Ati ynë Qiellor t'i mbrojë me engjëjt e tij në të gjitha mënyrat. (Mateu 18:10)

26. Transformimi – Në Bibël, shkretëtira krahasohet me një kohë vështirësie dhe sprove. Por, ishte gjithashtu një kohë e caktuar nga Perëndia për t'i dhënë popullit të tij mundësinë për të zbuluar zemrën e tyre dhe për të mësuar prioritetet hyjnore. Perëndi, ndërsa unë eci përmes shkretëtirës së kohërave të vështira, bëj që të mësoj të mbështetem tek Ti dhe t'i besoj Fjalës Tënde. (Ligji i Përtërirë 8:2)

27. Brezat – Prindërit dhe fëmijët mund të përjetojnë atë që quhet “bekim apo konflikt i brezave”. Kur i bindemi dhe e nderojmë Fjalën e Perëndisë, marrëdhënia do të jetë një burim bekimi për fëmijët. (Fjalët e Urta 4:1-4) Zot, mençuria dhe aftësia jote dalluese le të përcaktojnë marrëdhënien time me fëmijët e mi!

28. Fuqia - Kontrolli dhe fuqia janë dy forca mashtruese. Të gjitha përpjekjet njerëzore për të sjellë drejtësi shoqërore mund të përfundojnë shumë lehtësisht në luftë për pushtet. Mbretëria e Zotit është ndryshe dhe e bazuar në sundimin e Tij. Lejoje Frymën e Tij të të drejtojë sot. “Jo për fuqinë dhe as për forcën, por për Frymën time, thotë Zoti i ushtrive” (Zakaria 4:6)

29. Trashëgimia – Një shoqëri materialiste e mat një trashëgimi me vlerën kalimtare të pronave dhe parave. Njerëzit e Perëndisë e masin më tepër trashëgiminë me bekimin e përjetshëm të një karakteri hyjnor dhe një emri të mirë. “Njeriu i mirë i lë një trashëgim bijve të bijve të tij” (Fjalët e Urta 13:22). Lutu që të jesh ai njeri i mirë.

30. Besimi – “Ki besim tek Zoti me gjithë zemër dhe mos u mbështet në gjykimin tënd; pranoje në të gjitha rrugët e tua dhe Ai do të drejtojë shtigjet e tua” (Fjalët e Urta 3:5, 6). Beso se Zoti ynë është më i madh! Asgjë nuk është e pamundur për Të! Ai është vetëm një lutje larg dhe “plotëson dëshirën e atyre që kanë frikë nga ai”.